

1984-85

J. O. Pereira
(Xavier R. Barros)

DITIRAMBO INTIMO DO BELEN BEGONTINO.

I

Chega o Nadal e a Chaira estrena traxe,
porque en Begonte xurde un monumento
para louvar de cote o Nacemento
e esquece-la xenreira e mailo aldraxe.

Chega o Nadal e mídase a paisaxe,
porque na Chaira hai festa sen lamento,
e Galicia relouca de contento
indo cara Begonte en gran romaxe.

Chega o Nadal, dispónse o mundo enteiro
a celebra-la maior data dos anos,
entre notas de gaitas e pandeiro.

Chega o Nadal e tódolos humanos
corremos ó Begonte churrusqueiro
cos corazóns encheitos de galanos.

II

Na Chaira, xunto ó Miño saudoso,
nunha vila pequena e feiticeira,
frolece ano tras ano unha roseira
en lembranza dun feito ben glorioso.

Ten por centro ó Neno garimoso,
nacido nun pendello sen lareira,
para salva-lo mundo da laceira

e darlle outro roteiro máis fermoso.

Ten luceiros brillando de cotío
e ríos de auga clara en verde leite
a engaiola-las olladas de xentío.

!Quixera tela sempre no meu peito
astra que veña a morte co seu fío
a me facer na terra o cadaleito!

III

Se queres ve-lo rostro de María,
achégate a Begonte, peregrino:
alí vera-lo seu facho divino
a brillar nun presebre noite e día.

Alí verás a San Xosé -!bon guía!-
a labrar con paixón o duro pino,
alí verás tamén a Xesús nino
deitado no barrelo da alegría.

Alí vera-los Magos en ringleira
e os pastores dispostos ó redor
a botar garabullos na fogueira.

Alí vera-las sombras do solpor
e a luz dunha alborada relóuqueira
a lle anunciar ó mundo paz e amor.

IV

Aquí louvo o tesón dos armadanzas,
cuias mans argallen cada ano o Belén
para que a Terrachá se parza ben
á Galilea enchida de esperanzas.

Aquí louve as sinxelas inquedanzas
postas nunha obra excelsa sen máis siño
ca trague-la ronseira do Meniño
ás nosas almas orfas de arelanzas.

Aquí louvo ás xentes que na albada
se veñen a Begonte -chan labrego-
debaixo a chuvia e maila neve xeadá.

Aquí louvo a Xosé Domínguez: ¡crego
baril, alma mater dunha alborada
rebotante de paz e de sosego...!

—oo—

Lema: CRUXOL DE PAZ.